

tentiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existitis, ad effectum præsentium dumtaxat consequen., harum serie absolventes, & absolutos fore censentes: Motu proprio, non ad vestram, vel alterius pro vobis super hoc oblatæ petitionis instantiam, sed de mera liberalitate, & certa scientia nostris, ac de Apostolica potestatis plenitudine, Vos, & quemlibet vestrum respective in nostros, & Sedis Apostolicæ Notarios (sine tamen præjudicio dilectorum filiorum Notariorum de numero participantium) Apostolica auctoritate tenore præsentium recipimus, ac Sacri Palatii, & Aula Lateranen. Comites, nec non aurata Militiæ Equites, ac Nobiles Romanos, & Urbis Romæ, ac Civitatum Avenionen., Bononien., Ferrarien., & Beneventan., omniumque, & singularum aliarum Civitatum, Terrarum, & Locorum Romanæ Ecclesiæ mediate, vel immediate subiectorum Cives, cum omnibus iuribus, iurisdictionibus, prærogativis, & insignibus debitis, & consuetis creamus, & constituimus, ac in numerum, & consortium aliorum nostrorum, & eiusdem Sedis Notariorum, nec non Palatii, & Aula huiusmodi Comitum, Equitum, & Nobilium Romanorum, aliorumque Civium Civitatum, & Terrarum prædictarum referimus, & conscribimus. Vobisque etiamsi Habitum, & Rocchettum Notariorum dictæ Sedis iuxta decreta Lateranen. Concilii novissime celebrati non deferatis, aut Civitates huiusmodi non incolueritis, nec unquam in eisdem Civitatibus domicilium habueritis, ut omnibus, & quibuscumque privilegiis, & facultatibus, exemptionibus, immunitatibus, libertatibus, favoribus, gratiis, & indultis, quibus ceteri omnes Notarii nostri, etiam de numero participantium, ac Comites, Equites, & Nobiles (citra tamen exemptiones a Sacro Concilio Tridentino sublatas, itaut nedum quoad criminalia, sed etiam quoad civilia subiaceatis Ordinariis, ac citra facultates legitimandi, ad gradus promovendi, Notarios, seu Tabelliones creandi, aliaque huiusmodi privilegia a Notariis, & Comitibus præfatis præsentia, itaut illis nullibi uti valeatis, ac irritum, & inane existat quidquid secus per vos, aut quemlibet vestrum respective attentari contigerit) nec non Cives originarii, etiam in dignitatum, beneficiorum, & officiorum Ecclesiasticorum, & secularium, etiam ex personis Romanorum Civium originariorum vacantium ascensione, & exercitio tam in Urbe, quam in omnibus, & singulis Civitatibus prædictis, & alias ubique Locorum, & gentium, nec non sessionum, & conventuum utuntur, potiuntur, & gaudent, ac uti, potiri, & gaudere poterunt quomodolibet in futurum, non solum ad eorum instar, sed pariformiter, & æque principaliter, ac si privilegia, facultates, exemptiones, gratiæ, & indulta huiusmodi pro vobis emanassent, uti, potiri, & gaudere, ac in omnibus, & singulis Apo-

stolicis, aliisque literis; instrumentis, & scripturis publicis, & privatis deinceps nomine vestro conficiendis Notarios, Comites, Equites, & Nobiles, ac de nobili genere ex utroque parente procreatos, nec non Romanæ, & aliarum Civitatum, & Terrarum Cives, prout liberit, Vos inscribere valeatis, ac pro veris, & non fictis Notariis, Comitibus, Equitibus, & Nobilibus, ac Civibus habeamini, nihilque, qualecumque illud fuerit, cum iis subscriptionibus subreptitium, vel obreptitium, aut invalidum, sed illud idem efficax in omnibus censeatur; nec non honoris causa insignia gentis nostræ sive integre, sive cum vestris respective composita gestare possitis, prout vobis placuerit, concedimus.

§.2. Et insuper vos, vestraque Beneficia, & Officia Ecclesiastica quæcumque, quocumque, & qualiacumque, illorum fructus, res, & jura ubicumque locorum, Regnorum, & Provinciarum, nec non in Urbe, Civitatibus, Terris, & locis eidem Romanæ Ecclesiæ mediate, vel immediate subiectis consistentia, prædia, domos, possessiones, & bona patrimonialia, aliaque temporalia mobilia, & immobilia, ac semoventia, nec non actiones, & jura præsentia, & futura cujuscumque qualitatis, quantitatis, & nature, ac cujusvis etiam annui valoris, fructus, redditus, & proventus huiusmodi sint, vel fuerint, ac etiam quæcumque a vobis vendenda, ac pro vestris, & familiarum vestrarum usibus emenda ab omnibus, & quibuscumque decimis, quartis, & dimidiis partibus, subsidiis, etiam charitativis, nec non vestigialibus, portoriis, tributis, datis, pedagogis, collectis, & quocumque alio nomine nuncupatis angariis, perangariis, ceterisque oneribus, & contributionibus tam urbanis, quam rusticis, ordinariis, & extraordinariis, realibus, personalibus, & mixtis, etiam ratione munitionum, moenium, & pontium, portarum, & molinarum, & mercium cujuscumque generis, transitus, seu passus, & veduræ, etiam in aliud Territorium, seu Provinciam, Terra, Mari, & Flumine, nec non equorum mortuorum, stabulationum Militum, institutionis Seminariorum Ecclesiasticorum, aut quæcumque alia, quantumvis gravi, & gravissima causa (pro subventionem contra Infideles dumtaxat excepta) nunc, & pro tempore impositis, ita quod vos, & quemlibet vestrum, nihil omnino horum, aut aliorum similibus subire teneamini, nec per Camera Apostolicæ, aut alios Commissarios, seu vestigialium, & tributorum huiusmodi redemptores, conductores, & exactores quocumque privilegio, exemptione, & facultate suffultos alias quam, ut præfertur, valeatis coarctari (quamdiu servitiis nostris insisteritis dumtaxat) eximimus, & liberamus.

§.3. Ad hæc vobiscum, & cum quolibet vestrum respective, ut quæcumque duo dissimilia, vel simplicia similia sub lingulis tri-

Eorum bona a quocumque eximitur veditigali.

Dispensat a residentia Beneficiorum etiam cum fructuum perceptione.

tribus testis quarumcumque trium Cathedralium, etiam Metropolitanarum, aut aliarum etiam Collegiarum Ecclesiarum consistentia, etiam unum ex illis omnibus cum cura, aut dignitas etiam major, & principalis, & Canonicatus, & præbenda, personatus, administratio, vel officium fuerit, & ad dignitatem, personatum, administrationem, vel officium huiusmodi consueverit quis per electionem assumi, eique cura etiam jurisdictionalis imminet animarum, & alicui vestrum alias canonice conferantur, aut quisque vestrum eligatur, præsentetur, aut alias assumatur ad illa, & instituat in eis, recipere, & dummodo illa omnia (uno excepto) personalem residentiam non requirant, insimul, quoad vixeritis, retinere, nec non etiam, quamdiu Nobis inservieritis tantum, in beneficiis Ecclesiasticis, etiam Curatis (non tamen Parochialibus, nec Curatis cura Animarum Parochianorum) per vos pro tempore respective obtentis, etiam de jure, statuto, fundatione, vel privilegio, personalem residentiam requirentibus, etiamsi dignitates in Cathedralibus, etiam Metropolitanis post Pontificalem majores, ac Collegiatis Ecclesiis huiusmodi principales fuerint, personaliter residere non teneamini, nec per locorum Ordinarios, aut Ecclesiarum eandem Capitula, seu quosvis alios ad residendum interim in illis inviti compelli possitis, omnesque, & singulos nihilominus vestrorum Beneficiorum obtentorum fructus, redditus, & proventus, durante servitio prædicto, cum ea integritate (distributionibus quotidianis dumtaxat exceptis) cum qua illos perciperetis, si in eisdem Ecclesiis, sive locis personaliter resideretis, percipere, exigere, & levare.

§.4. Ac interim, vel postmodum, si volueritis, in Romana Curia, vel extra eam a quocumque, quem malueritis, Catholico Antistite gratiam, & communionem eiusdem Sedis habente, quem duxeritis eligendum, ad omnes etiam sacros, & Presbyteratus ordines aliquibus tribus Dominicis, vel aliis festivis diebus, etiam extra tempora a jure statuta, proprii Ordinarii, aut cujusvis alterius licentia desuper minime requisita, si alias ad id idonei reperti fueritis (super quo Antistitis conscientiam oneramus) promoveri, & promoti in illis etiam in altaris ministerio ministrare, nec non, etiamsi Presbyteri fueritis, ac dignitates, & officia obtinueritis, leges, & jura civilia, etiam publice in Scholis, & Universitatibus Studiorum generalium ad quinquennium dumtaxat, dummodo trigessimam ætatis annum non exceperitis, audire, & si habiles, & sufficientes reperti fueritis, etiam ad doctoratus gradum in huiusmodi facultate vos promoveri facere, ipsaque jura etiam publice docere, atque Judicis, Advocati, & Procuratoris officium in causis Ecclesiasticis, & civilibus tantum exercere libere, & licite possitis, & valeatis, au-

Facultatem sacros Ordines suscipiendi extra tempora.

Jura publice docendi.

thoritate, & tenore prædictis de specialis dono gratiæ dispensamus.

§.5. Liceat quoque vobis, & cuilibet vestrum aliquem idoneum, & approbatum ab Ordinario Presbyterum facultatem, vel cujusvis Ordinis Regularem in vestrum eligere Confessorem, qui vita, cujuslibet vestrum comite vos, & quemlibet vestrum a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, & per vos incurris, & quibus vos etiam Apostolica auctoritate illaqueari contigerit, etiamsi absolutio Nobis, & Successoribus nostris Romanis Pontificibus pro tempore existentibus specialiter, vel generaliter reservata existat, & quorumcumque Votorum, & Ecclesiæ præceptorum transgressionibus, homicidio casuali, manuum violentarum in quavis personas, etiam Ecclesiasticas (non tamen Episcopos, vel alios Superiores Prelatos) de præterito iniectionibus, seu consilii, vel favoris ad id præstationibus, juniorum omissionibus (non tamen recitationis horarum Canonicarum, & aliorumque Divinorum Officiorum) & deinde ab omnibus, & quibuscumque aliis vestris peccatis, criminibus, & excessibus, ac delictis quantumcumque gravibus, & enormibus, etiam talibus, propter quæ Sedes prædicta merito consulenda foret, videlicet a contentis in literis die Cœnæ Domini publicari consuetis, semel tantum in vita, & mortis articulo; in reliquis vero dictæ Sedi quomodocumque reservatis, aliisque quibusvis casibus semel in anno, confessionibus vestris diligenter auditis (sine tamen alicujus præjudicio) auctoritate Apostolica absolvere, & vobis pro commissis poenitentiam injungere salutarem, nec non vota quæcumque (ultramarino, visitationis liminum Beatorum Petri, & Pauli Apostolorum, castitatisque, & Religionis votis dumtaxat exceptis) in alia pietatis opera commutare valeat.

§.6. Vobisque ulterius, & cuicumque vestrum respective, ut quicumque loci Ordinarii, vel Canonici Metropolitanarum, seu aliarum Cathedralium Ecclesiarum, aut personæ in Dignitate Ecclesiastica constituta tam in dicta Curia, quam extra eam ad id per vos respective coram Notario, & Testibus fide dignis eligendi, seu eligendæ, quascumque pensiones annuas vobis super mensarum Abbatialium, seu Capitularium, ac Episcopatum, & Archiepiscopatum, ac quorumcumque Beneficiorum Ecclesiasticorum cum cura, & sine cura secularium, & quorumvis Ordinum, & Militiarum Regularium, etiam Hospitalis Sancti Joannis Hierosolymitani, quomodocumque, & qualitercumque qualificatorum fructibus, redditibus, proventibus, iuribus, obventionibus, & distributionibus etiam quotidianis, seu illarum loco fructus, redditus, proventus, & obventiones, distributiones, & emolumenta vobis nunc, & pro tempore assigna-

Confessarium eligendi cum opportunis facultatibus.

Pensiones resignandi in summa 300. Ducat.

ta & reservata, ac reservanda, pro summa videlicet trecentorum ducatorum auri de Camera quoad singulos vestrum, quodcumque alicui vestrum respective placuerit, simul, vel successive in toto, vel in parte, etiam in cuiuslibet vestrum mortis articulo, cassare, & extinguere, ac postquam cassata, & extincta fuerint: alias similes pensiones annuas super eisdem fructibus redditibus, proventibus, juribus, obventionibus, & distributionibus, & emolumentis, seu illarum loco, fructus, redditus, proventus, jura, obventiones, distributiones, & emolumenta huiusmodi usque ad summam, & quantitatem predictam uni, vel pluribus aliis personis etiam per vos nominandis, etiam quacumque, quotcumque, & qualiacumque beneficia Ecclesiastica obtinentibus, & expectantibus Clericis, seu Clericali charactere insigniri volentibus, etiam eis quoad vixerint, eorum Procuratoribus ad id speciale ab eis mandatum habentibus, iisdem modo, & forma, quibus vobis assignata, & reservata, seu assignata, & concessa fuerint respective, etiam absque consensu eisdem pensiones solvere debentium, etiam si illas, vel illa alias cassari, & reservari de novo faciendi facultatem non habueritis, ac pensiones, & fructus, redditus, proventus, jura, obventiones, ac distributiones, & emolumenta huiusmodi, etiam pluries cassata, & de novo assignata fuerint, usque ad summam, & quantitatem predictam, etiam literis Apostolicis super reservationibus, & assignationibus huiusmodi non concessis, ac alias cum omnibus, & quibuscumque exemptionibus, privilegiis, decretis, clausulis, cautionibus, vinculis, obligationibus, & cautelis, ac etiam censuris, & poenis in prioribus reservationibus huiusmodi concessis, & contentis, necnon cum subrogatione in quibusvis vestris juribus, etiam quoad quasi possessionem exigendi, in qua tunc eritis, integre persolvendas, servata tamen forma Constitutionis sel. recor. Innocentii Papae XI. Praedecessoris Nostri super translationibus pensionum edita, reservare, constituere, & assignare valeant, auctoritate, & tenore predictis de speciali gratia indulgemus.

Testandi etiam de fructibus Beneficiorum, & Pensionum ad 6000. Duc.

§.7. Necnon etiam vobis, ut de omnibus, & singulis domibus, praediis, possessionibus, terris, & locis, ac iurisdictionibus, ceterisque bonis mobilibus, & immobilibus, quae tamen non sint Altaris, seu Altarium Ecclesiarum vobis commissarum ministerio, seu alicui speciali earundem Ecclesiarum Divino cultui, seu usui deputata, seque moventibus, cuiuscumque qualitatis, quantitatis, valoris, speciei, pretii, & conditionis existentibus, ac iuribus, & actionibus ad vos ratione Ecclesiarum, etiam Cathedralium, & Metropolitanarum, quibus vos forsitan praesentem contigerit, necnon Monasteriorum, Prioratuum, Praepositarum, Dignitatum, & aliorum quorumcumque Beneficiorum Ecclesiasticorum cum cura, & sine cura,

secularium, & quorumvis Ordinum Regularium, quae etiam ex quibusvis concessionibus, & dispensationibus Apostolicis in titulum, commendam, administrationem, ac alias quomodolibet obtineritis, obtinetis, & obtinebitis, ac fructuum, reddituum, & proventuum Ecclesiasticorum loco pensionum, ipsarumque pensionum annuarum super similibus fructibus, redditibus, & proventibus vobis reservatorum, & assignatarum, ac reservandorum, & assignandarum, quos, & quas perceperitis, percipitis, & percipietis in futurum, necnon emolumentorum quorumcumque Romanae Curiae officiorum, & alias quomodolibet spectantibus, & pertinentibus, ac etiam de dictis proventibus, fructibus, redditibus, & pensionibus annuis, necnon vestra, & cuiuslibet vestrum industria, & labore quomodolibet, & inducuntur, & licite tamen acquisitis, & acquirendis, ac alias etiam de muneribus, & officiis quae exercueritis, & vos exercere contigerit, & alias quavis occasione, vel causa, seu contemplatione ad vos perventis, & perventuris, etiam si in pecunia numerata, & iocalibus, gemmis, aliisque pretiosioribus rebus consistant, tam in dicta Curia, quam extra eam ubique locorum, etiam penes Beneficia ipsa existentibus (quorum omnium qualitates, & veros etiam annuos valores, etiam si talia forent, quae generali appellatione bonorum, & supellectilium non venirent, sed specialibus indigerent vocabulis, praesentibus, ac si specificis, & singulatis exprimerentur, & denominarentur, pro sufficienter expressis, ac declaratis haberi volumus) usque ad summam sex millium Ducatorum auri de Camera pro unoquoque vestrum, ac etiam de ipsis fructibus, redditibus, & proventibus, & pensionibus debitis, & debendis (servata tamen forma Constitutionum Apostolicarum jam editarum, & si quas deinceps edi contigerit super fructibus inexactis) etiam cumulative, cum quibusvis aliis similibus, vel dissimilibus facultatibus habitis, & habendis, tam pro decentibus, & honestis impensis funebribus, quam etiam pro remuneratione illorum, qui vobis viventibus servierint, etiam ultra servitii meritum, & in vestrorum consanguineorum, & affinium, ac quorumcumque locorum priorum favorem, & usum, ac alias pro arbitrio, & voluntate vestris, & cuiuslibet vestrum absolutis testari, & testamento, codicillis, fideicommissis, legatis, donationibus tam inter vivos, quam causa mortis, & aliis quibuscumque modis, & titulis, scriptura, etiam minus solemnibus, coram duobus, vel tribus testibus, aut etiam cedula sola manu vestra scripta, vel subscripta, & alias in omnibus, & per omnia prout, & quomodolibet vobis videbitur, etiam in ipsa Curia, & in mortis articulo, etiam nulla facta mentione praesentis, vel aliarum vobis pro tempore concessarum similium facultatum, aut quod in vim illarum testari, seu disponere velitis, & intendatis, semel, atque iterum, aut

aut pluries disponere, statuere, & ordinare, itaut quicquid testatum, gestum, aut ordinatum, seu alias dispositum a vobis fuerit, etiam in vim simplicis distributionis, ac alias omni alio meliori modo valeat, & servari debeat, ipsaque Testamenta, codicillos, & dispositiones, ordinationes, legata, & statuta pluries, ac toties, quoties vobis videbitur, moderari, limitare, ac etiam in totum revocare, & alia de novo condere libere, & licite valeatis, auctoritate Apostolica earumdem tenore praesentium plenam, & liberam, concedimus facultatem.

Spolio Camerae non sunt subiecti. Morientium ab intestato bona ad consanguineos pertinent.

§.8. Et insuper statuimus, & ordinamus, vobisque indulgemus, quod si vos ab intestato, & sine ulla, vel cum minus valida bonorum, & rerum, ac fructuum, reddituum, & proventuum praedictorum, dispositione in dicta Curia, vel extra eam, tam continua, quam interpolata inibi cuiuslibet vestrum respective mansione, ac etiam extra Beneficia vestra, vel alia loca debita a vobis residentia personalis, etiam nulla subsistente causa, ab humanis decedatis, omnia, & singula bona, res, & jura, etiam, ut praesertur, qualificata, necnon spolia cuiuscumque quantitatis, & valoris existentia, etiam ex praedictis, & alias undecumque provenientia ad Camera Apostolicam, seu in dictis Beneficiis successores non pertineant, sed ad haeredes vestri sanguinis integre deveniant, & illis deficientibus inter familiares vestros arbitrio personae, seu personarum, quas ad id scripto nominaveritis, distribuantur, nisi de alia dispositione, vel intentione vestra scriptura etiam minus solemnibus fecerit appareret, quam tunc velut efficacem ipsa personae, vel alii Iudices, seu Executores omnino exequi, & adimplere, illique se conformare in omnibus, & per omnia debeant. Et nihilominus quaecumque huiusmodi testamenta, legata, donationes, dispositiones, & alia forsitan a vobis, etiam nulla, vel minus sufficienti facultate sussultis, de huiusmodi bonis, juribus, actionibus, fructibus, pecuniis, iocalibus, aliisque rebus supra dictis, etiam in favorem consanguineorum, & affinium praedictorum, & alias quomodolibet facta cum omnibus inde secutis, ac etiam ea, quae per vos in futurum fient, ex nunc, prout ex tunc, & e contra pro dicta summa sex millium ducatorum approbamus, & confirmamus, omnesque, & singulos iuris, & facti, ac solemnitate omittarum, & omittendarum, necnon substantiales, aliosque defectus quoscumque, si qui intervenerint, aut intervenerint in eisdem, etiam si tales sint, & fuerint, quod specialis, specifica, & expressa de illis mentio praesentibus habenda esset, supplemus.

Horum Privilegiatorum firmitas, & perpetua observantia.

§.9. Distinctius inhiibentes quibusvis Archiepiscopis, Episcopis, aut aliis Ecclesiarum Praelatis, necnon Camerae praedictae Praesidentibus Clericis, ac eorum, necnon Fabricae Basilicae Principis Apostolorum de Urbe, ac Cruciate Sanctae, & aliis Collectoribus, & Subcollectoribus, ceterisque cuiuscumque dignitatis, status, gradus, & conditionis existentibus, etiam quavis auctoritate, & potestate fungentibus, sub excommunicationis maioris, aliisque Ecclesiasticis sententiis, censuris, & poenis, ne Universitates, Collegia, ac loca, & legatarios, haeredes, & personas, necnon Testamentorum, voluntatum, & ordinationum huiusmodi executores praedictos directe, vel indirecte quovis quaesito colore, vel ingenio molestare audeant quoquo modo, vel perturbare. Ac decernentes praedicta omnia, & singula, praesentesque literas, & testamenta, donationes, codicillos, fideicommissa, legata, ordinationes, derogationes, dispositiones, & alia quaecumque, necnon quae in praemissis facta sunt, aut fieri contigerit tam vigore praesentis, quam etiam aliarum concessionum vobis factarum, & deinceps in genere, & in specie faciendarum cum inde secutis, & secuturis, etiam si vos intra Curiam, aut in quacumque alia Mundi parte extra Ecclesias, & Beneficia personalem residentiam requirentia qualitercumque qualificata per vos nunc, & pro tempore obtenta, etiam pro vestra sola voluntate, & nulla subsistente causa non resistendi ab humanis decedere contigerit, sub literis rec. mem. Pii Papae IV. Praedecessoris pariter nostri contra quoscumque, Episcopos, Archiepiscopos, & alios Praelatos, necnon Parochialium Ecclesiarum Rectores, ceterosque residentiam personalem praedictam adstrictos extra illam quomodocumque decedentes septimo Kalend. Decembris Pontificatus sui anno V. aut alio priori tempore emanatis, & sub quibuscumque aliis Constitutionibus, aut revocationibus, suspensionibus, limitationibus, modificationibus, Decretis, declarationibus Apostolicis, Cancellariae Apostolicae Regulis ex quibuscumque causis quantumcumque maximis, urgentibus, & inexcogitabilibus, etiam in favorem Fidei, & Divini cultus augmentum, ac consistorialiter etiam a Nobis, & Sede praedicta haecenus, vel nunc, & pro tempore factis, & editis minime comprehendi, sed semper ab illis excepta, & quoties emanata fuerint, toties in pristinum, & validissimum statum, etiam sub posteriori data, etiam cum derogationibus, & clausulis, etiam derogatoriis, irritantibusque, & aliis Decretis per vos eligenda apponendis, & latissime specificandis reposita, restituta, & plenarie reintegrata, ac de novo concessa, validaque, & efficacia fore, necnon perpetua firmitate subsistere, suisque plenarios, & omnes effectus, quos de iure, stylo, consuetudine, aut alias quomodocumque sortiri poterunt, ac vim veri, legitimi, iurati, stipulati, validi, & efficacis contractus inter vos ex una, ac Nos, & Camerae praedictam ex altera partibus habere, nec etiam per promotionem aut Ecclesiam Cathedralium, etiam Metropolitanam, aut translationem, vel aliam statum, & personae vestrae mutationem cessare, nec per similes, vel dissimiles

Ball. Rom. Tom. XIV. G les

les gratias vobis concessas, & concedendas confundi, sed ipsis cumulative in omnibus, & per omnia uti, & si quid in una ex facultatibus hujusmodi defecerit, per aliam suppleri debere, nec haeredes, legatarios, ac loca, ad quos, seu quae bona, jura, & actiones hujusmodi devenerint, vel quibus relinquuntur, aut executores praedictos ad tertiam, seu aliam eorum partem, quam etiam ex nunc vobis, ac locis, haeredibus, legatariis, ac donatariis praedictis liberaliter concedimus, & donamus, Camerae, vel Fabricae, aut Beneficium praedictis etiam pro expeditione contra Infideles, & quibusvis aliis quantumlibet piis usibus solvendum, ac cum iis desuper componendum, vel vos ad aliam particularem licentiam, sive Indultum, aut confirmationem praesentium a Nobis, vel Successoribus nostris Romanis Pontificibus petendum, aut impetrandum, vel etiam in alia simili gratia, seu confirmatione illius vobis quomodocumque concedenda, de praesenti mentionem aliquam faciendam ullaatenus teneri, nec ad id ulla unquam necessitate cogi posse; Et sic in praemissis omnibus, & singulis per quoscumque Judices Ordinarios, & Delegatos etiam Caesarum Palatii Apostolici Auditores, & ejusdem S.R.E. Cardinales, necnon pro tempore existentes dictae Camerae Camerarium, Praesidentes, & Clericos in quavis Causa, & Instantia, sublata eis, & eorum cuilibet quavis aliter judicandi, & interpretandi facultate, & autoritate, judicari, & definiri debere, ac irritum, & inane, si secus super his, quoquam quavis autoritate scienter, vel ignoranter contigerit attentari. Quo circa Venerabilibus Fratribus nostris Ordinariis, & Portuensi, Cardinalibus Episcopis, & dilecto Filio Curiae Caesarum Camerae Apostolicae Generali Auditori, per Apostolica scripta mandamus motu simili, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque, ubi, & quoties pro parte vestra desuper fuerint requisiti, solemniter publicantes, vobisque in praemissis efficacis defensionis praesidio assistentes, faciant auctoritate nostra eisdem praesentes literas, & in eis contenta hujusmodi firmiter observari, ac vos illis omnibus pacifice frui, & gaudere non permittentes vos per quoscumque quavis autoritate fungentes contra earundem praesentium tenorem quomodolibet indebite molestari, inquietari, vel perturbari: Contradictores quoscumque, & rebelles per Sententias, Censuras, & poenas Ecclesiasticas, aliaque opportuna juris, & facti remedia, appellatione postposita, compescendo, ac legitimis, super his habendis servatis Processibus, Censuras, & poenas ipsas, etiam iteratis vicibus aggravando; invocato etiam ad hoc, si opus fuerit, auxilio brachii secularis.

Obstantibus derogat.

§.10. Non obstantibus praemissis, ac pia memoriae Bonifacii Papae VIII. Praedecessoris etiam nostri de una, & Concilio Generali edita de duabus dietis, dummo-

do ultra tres dietas aliquis auctoritate praesentium in Judicium non trahatur, nec non Lateranen. Concilii novissime celebrati de certo Notariorum numero, etiam si ad illum nondum devenit fuerit, cui per hoc alias derogare non intendimus, ac de consensu praestando in pensionibus, & quibusvis aliis etiam per Nos, & Sedem praedictam, editis, & in posterum edendis Cancellariae Apostolicae Regulis, ac stylo in similibus haecenus observato, ac rec. memor. Alexandri PP. VI. pariter Praedecessoris nostri tertiam partem bonorum Ecclesiasticorum Camerae praedictae debere inter alia disponente, nec non ejusdem Bonifacii PP. VIII. per quam concessionem fructus in absentia percipiendi sine praesentione temporis fieri prohibentur, ac Pii PP. IV. Praedecessoris etiam nostri de gratis quaecumque Interesse Camerae Apostolicae concernentibus in dicta Camera intra certum tunc expressum tempus praesentandis, & registrandis, ita quod praesentes in eadem Camera nullo unquam tempore registrari facere teneamini, ac similis record. Urbani Papae VIII. pariter Praedecessoris nostri de pensionibus alias translatis iterum transferendis, ac quorumvis aliorum Romanorum Pontificum Praedecessorum nostrorum, & quibusvis aliis Apostolicis, ac in universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon Legibus etiam Imperialibus, & municipalibus, tam Urbis, quam aliarum Civitatum, & Locorum, in quibus Cives originarii creati existitis, & quarumvis Ecclesiarum, Monasteriorum, Ordinum, & Hospitalis praedictorum, necnon quorumvis Collegiorum, & Officiorum dictae Curiae, & Regnorum, Provincialium, & Urbis, ac aliarum Civitatum, & Locorum, ac Camerae praedictorum, etiam Juramento, confirmatione Apostolica, vel quavis firmitate alia roboratis Statutis, & consuetudinibus, stabilimentis, usibus, & naturis, etiam si de illis servandis, & non impetrandis literis Apostolicis contra ea, nec etiam ab alio, vel ab aliis impetratis, aut alias quomodolibet concessis utendo vos per vos, vel Procuratores vestros praestiteritis forsitan haecenus, vel vos in posterum praestare contigerit Juramentum; Privilegiis quoque, Indultis, & literis Apostolicis dictis Ecclesiis, Monasteriis, Ordinibus, & Hospitalibus, illorumque Praesulibus, seu Administratoribus, & Superioribus, ac Magistris, Praeceptoribus, Prioribus, Militibus, etiam Antianis, Capitulis, Conventibus, Civitatibus, & Locis, aliisque praedictis, ac illorum Communitatibus, & Universitatibus, aliisque personis, etiam particularibus, necnon Archiepiscopis, Episcopis, & aliis Ordinariis, etiam eisdem Cardinalibus, ac dictae Curiae Officialibus, illorumque Collegiis, ac etiam Decimarum, Pedagiorum, Gabellarum, & onerum Exactoribus, & Appaltatoribus, & aliorum onerum redemptoribus sub quibuscumque tenoribus, & formis, ac

cum quibusvis etiam derogatoriarum derogatoriis, aliisque efficacissimis, & insolitis clausulis, ac irritantibus, & aliis Decretis per quoscumque Romanos Pontifices Praedecessores nostros, ac etiam Nos, & Sedem praedictam, etiam Concistorialiter, ac de eorumdem Cardinalium consilio, etiam per modum Statuti, & Constitutionis perpetuorum, ac motu, & scientia similibus, deque Apostolica potestatis plenitudine, vel ad Imperatoris, Regum, Reginarum, Ducum, Marchionum, & aliorum Principum instantiam, seu illorum contemplatione in genere, vel in specie, ac alias quomodolibet etiam iteratis vicibus concessis, etiam in eis, ac Statutis, & stabilimentis praedictis caveatur expresse, vel tacite, quod Urbis nisi originariis Civibus Romanis, ac Civium eorumdem filii conferantur, quodque nonnullarum Ecclesiarum Beneficia, nisi per personas Illustres, vel Nobiles, ac etiam originarios Cives, aut alias certo modo in illis expresso qualificatos obtineri non possint, & nulli in Cives Urbis, ac Civitatum, Oppidorum, Terrarum, & Locorum hujusmodi admitti, seu illorum Privilegiis uti possint, nisi prius in dictis Civitatibus, Oppidis, Terris, & Locis per certum tempus habitaverint, seu etiam in illis bona, etiam stabilia forsitan ad certum valorem ascendenda possederint, quodque Praeceptorum, & alia Beneficia quaecumque dicti Hospitalis tam ex eius Institutione, quam ex stabilimentorum praedictorum dispositione Pensionibus Clericis secularibus, & aliis personis, etiam Apostolica auctoritate reservandis gravari non possint, quodque stabilimentis, & Privilegiis praedictis, etiam vigore implicitae derogationis latissime extendenda, etiam per quascumque Literas Apostolicas, & quavis etiam derogatoriarum derogatorias, efficaciores, & insolitas clausulas derogari non possint, nec derogatum censeatur, nisi derogatio hujusmodi de consilio Cardinalium eorumdem fiat, & tum demum Magistri, & Conventus praedictorum ad id accedat assensus, sintque Literae derogationis hujusmodi etiam per dictum Magistrum subscriptae, ac illi, & praefato Conventui per diversas in forma Brevis, aut alias Literas diversis temporibus cum certis intervallis praesentatas intimatae, & non alias, nec alio modo, & semper in omnibus, quae sic sicut etiam de simili consilio derogationibus sit apposita clausula, quod illarum effectum sortiantur de consensu Magistri, & Conventus praedictorum, & non alias, nec alio modo; Quodque ipsi Exactores, & Appaltatores Decimas, Pedagia, & onera hujusmodi, etiam ab exemptis exigere, & illos ad solutionem, seu contributionem cogere, & compellere possint, seu debeant. Quibus omnibus illorum omnium tenores, ac de verbo ad verbum insererentur, praesentibus pro expressis habentes, illis alias in suo robore permanens, hac vice dumtaxat in genere, & in specie, ad effectum praesentium sufficienter, & ex-

Bull. Rom. Tom. XIV.

presse derogamus, ac derogatum esse decernimus; Quodque vos primam non feceritis in Ecclesiis, hujusmodi personalem residentiam consuetam, ceterisque contrariis quibuscumque.

§.11. Volumus autem, quod antequam gratia creationis in nostros, & Sedis Apostolicae Notarios vobis, ut supra, facta, perfrui valeatis, in manibus alicujus personae in Dignitate Ecclesiastica constitutae professionem Fidei, juxta Articulos primum a Sede praedicta propositos expresse, emittere, & solitum fidelitatis Juramentum praestare omnino teneamini.

§.12. Quodque praesentim transumptis, etiam impressis, manu alicujus Notarii publici subscriptis, & Sigillo personae in Dignitate Ecclesiastica constitutae munitis eadem prorsus Fides ubique adhibeatur in Judicio, & extra, quae adhiberetur ipsis praesentibus, si forent exhibitae, vel ostensa. Ceterum volumus pariter, atque decernimus, ut illis ex vobis, quibus similes testandi de bonis, ac pensiones transferendi facultates a Romanis Pontificibus Praedecessoribus nostris, quorum respective, etiam Familiars continui commentales erant, concessae fuerunt praesentes Literae quoad facultates testandi de bonis, & transferendi Pensiones hujusmodi minime suffragentur.

Datum Romae apud Sanctam Mariam Majorem sub Annulo Piscatoris die XXVI. Augusti MDCCXXXV., Pontificatus nostri Anno VI.

Professo fidei ab eis emittenda.

Transumptis horum Litterarum danda fides.

Dat. die 26. Augusti 1735. An.VI.

CLXVI.

Revocatio, & annullatio duarum Epistolarum Pastoralium bo. me. Francisci Episcopi Pekinen. datatum die 6. Julii, & 23. Decembris 1733 circa Ritus Sinenfes editarum reservata insuper S. S. & Sedi Apostolicae facultate aperiendi fidelibus illarum partium mentem suam super rebus hujusmodi materiam respicientibus.

CLEMENS PP. XII.

Ad perpetuam rei memoriam.

Apostolicae sollicitudinis nobis divinitus commissa ratio nos admonet, ut ea, quae Christianae Religionis, Catholicaeque fidei propagationi, ac incrementis quaecumque ratione obistere posse dignoscuntur, quantum nobis ex alto conceditur, recidere, ac e medio tollere studeamus.

§.1. Cum itaque, sicut ad Apostolatus nostri notitiam pervenit, occasione binarum Epistolarum, quas Pastorales vocant, bo. me. Francisci dum viveret, Episcopi Pekinen. nuper defuncti die 6. Julii, & 23. Decembris anni 1733, circa Ritus Sinenfes editarum graves in Imperio Sinarum inter Apostolicos illarum partium Missionarios exorta fuerint dissensiones, quae uberes fructus, quos sancta mater Ecclesia ex affiduo operariorum in illam agri Dominici

Procurium.

Ex publicatione praedd. Pastoralium discordis inter Missionarios exorta sunt.

Eas revocat Clemens.

partem missorum labore praestolatur, impetire, aut morari possent.

§. 2. Nos, ut pristina inter eosdem Missionarios pax, & animorum concordia, sublati quibusvis diffidiis, restituatur, de opportuno in praemissis remedio providere volentes, ac Epistolarum praedictarum tenores, & alia quaecumque etiam specificam, & individua mentionem, & expressionem requirentia, praesentibus pro plene, & sufficienter expressis, & exacte specificatis habentes, de nonnullorum venerabilium fratrum nostrorum S. R. E. Cardinalium, qui iussu nostro Epistolas ipsas sedulo, ac diligenter examinarunt, consilio, ac etiam motu proprio, & ex certa scientia, & matura deliberatione nostris deque Apostolice potestatis plenitudine, binas memorati Francisci Episcopi Pekinen. Epistolas Pastorales praefatas, ac poenas, & alia quaecumque in eis contenta cum omnibus, & singulis inde secutis, & forsitan quodcumque secuturis, poenitus, & omnino nulla, invalida, & irrita, nulliusque prorsus roboris, & momenti esse, & perpetuo fore tenore praesentium declaramus; Et nihilominus ad maiorem cauthelam, & quatenus opus sit, illa omnia, & singula motu, scientia, deliberatione, & potestatis plenitudine paribus harum serie itidem perpetuo revocamus, cassamus, irritamus, annullamus, & abolemus, viribusque, & effectu poenitus, & omnino vacuas, ac pro revocatis, cassis, irritis, nullis, invalidis, & abolitibus, viribusque, & effectu poenitus, & omnino vacuis semper haberi volumus: Nobis insuper, & Apostolice Sedi reservantes facultatem Christianis fidelibus in eodem Regno degentibus aperiendi nostram, & dicte Sedis mentem post maturam itidem habitam deliberationem super rebus, quae huiusmodi materiam respiciunt.

Invalidationis firmitas.

§. 3. Decernentes ipsas praesentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, & ab omnibus, & singulis, ad quos quomodolibet spectat, & pro tempore quodcumque spectabit, praesertim vero Archiepiscopis, Episcopis, Vicariis, Provincialibus, & Missionariis Apostolicis tam saecularibus, quam cujusvis Ordinis, Congregationis, Instituti, & Societatis etiam Jesu Regularibus in supradicto Sinarum Regno nunc, & pro tempore existentibus inviolabiliter, & inconcussis observari, sicque & non aliter in praemissis per quoscumque Judices Ordinarios, & Delegatos etiam causarum Palatii Apostolici Auditores, ac eisdem S. R. E. Cardinales etiam de latere Legatos, & Sedis praefata Nuncios, aliosve quoslibet quacumque praeminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane si secus super his a quoquam quavis auctoritate scienter, vel ignoranter contigerit attentari. In contra-

rium facien. non obstantibus quibuscumque.

§. 5. Volumus autem, ut eorumdem praesentium literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in iudicio, & extra adhibeatur, quae praesentibus ipsis adhiberetur, si forent exhibita, vel ostensa.

Datum Romae apud S. Mariam Majorum sum Annulo Piscatoris die 26. Septembris 1735. Pont. nostri Anno VI.

Dat. die 26. Septem. 1735. An. VI.

CLXVII.

Confirmatio Decreti Congregationis Episcoporum, & Regularium, quo statuitur, Presbyteros Congregationis S. Hippolyti in partibus Indiarum non posse habere in Religione aliquam Praelaturam.

CLEMENS PP. XII.

Ad futuram rei memoriam.

§. 1. Nuper pro parte dilectorum Filiorum Fratrum Diffinitorii Generalis Congregationis Charitatis sub Titulo S. Hippolyti Martyris in Civitate Mexicana, aliisque Partibus Indiarum Occidentalium a se. re. Innocentio Papa XII. Praedecessore nostro in Religionem erectae Congregationi Venerabilium Fratrum nostrorum Sanctae Romanae Ecclesiae Cardinalium negotiis, & Consultationibus Episcoporum, & Regularium praepositorum exposito, quod cum per Constitutiones dictae Congregationis Fratrum Auctoritate Apostolica confirmatas caveretur illius Fratres esse debere Laicos, utpote deputatos assistentiae Aegrotorum in Hospitalibus degentium, & in unaquaque domo unum tantum ad Presbyteratum promoveri posse, sed deinde compertum fuisse unum dumtaxat Presbyterum Spiritualibus necessitatibus Hospitalium, & Aegrotorum huiusmodi non sufficere, die 30. Septembris 1729. praefata Congregatio Cardinalium referente dilecto Filio nostro Ludovico ejusdem S. R. E. Cardinalis Belluga, & Moncada nuncupato indulserat, ut duo in singulis Hospitalibus praedictis esse, possent Presbyteri, & in domibus matricibus tres, sub diversis tamen conditionibus nimirum, quod nullus promoveretur ad Sacros Ordines, nisi saltem sex annos Professionis in Religione juxta dictas Constitutiones habuisset, & ad effectum se promovendi ad Presbyteratum directe, vel indirecte uti valeret intercessione, seu mediatione alterius Personae pro licentia a Superiore, vel Diffinitorio Generali dicte Congregationis obtinenda, sed proponendus esset eidem Superiore Generali a Superiore, & Capitulo Conventualibus domus, cui de Presbytero providendum veniret, ipsique Superior, & Capitulum Conventuales Superiores, & Diffinitorio Generali indicare deberent Personas, quas huiusmodi gradum promoveri crederent, & si qui-

Ex praefato Regulae tantum Sacerdos esse debet.

Sed conceffum ut duo esse possint vel tres.

quispiam aliter ad Presbyteratum promotus fuisset, suspensionem a Divinis ipso facto incurreret, a qua non nisi per Summum Pontificem pro tempore existentem absolvi posset, quodque in singulis Conventibus requirent esse plures, quam duo Presbyteri, exceptis domibus Matricibus, ut praefertur, in quibus tres permittebantur, ita ut si quis ultra hunc numerum ad Presbyteratum promoveretur, si id eveniret ex propria culpa, tamdiu suspensus remaneret, donec aliquis locus per obitum Presbyteri vacaret; Superiores vero, qui hoc permisissent post expletum Officium voce activa, & passiva privati essent, Presbyteri autem Sacrosanctum Missae Sacrificium juxta intentionem Prioris localis, & obligationes Communitatis illius domus celebrare, & applicare, quatenus pro celebratione ejusmodi aliquam eleemosynam receperint, illam tradere tenerentur ipsi Priori locali, ubi Missa celebrarentur, vel cui subesset ille, qui extra Conventum celebrasset sub poenis adversus Proprietarios indistinctis, sicque promoti in omnibus observare deberent vitam Regularem, & deferre Coronam ad instar Sacerdotum Ordinis Sancti Joannis Dei, nec valerent vel ad breve tempus aliquam Praelaturam obtinere in Religione, nisi ex dispensatione Apostolica, sed tantum esse possent Discreti Conventuum, Magistri Novitiorum, & Assistentes Provinciae, ac demum, quod si aliquis Presbyter aegrotus in aliquo Hospitali praedictae Congregationis Fratrum ante obitum peteret admitti ad illius habitum Regularem, posset dictus Superior Generalis cum suo Diffinitorio dare licentiam alicui ex Prioribus localibus eum admittendi: accedente consensu Communitatis, quamvis in ea domo jam duo, vel in Matrici tres Presbyteri extarent.

§. 2. Cumque postmodum supradictae Congregationi Cardinalium renunciatum fuisset in Religione praefata non adesse Provinciae Assistentes, ipsa Congreg. Cardin. die 15. Martii 1731. ad relationem memorati Ludovici Cardinalis rescripserat promotos ad Sacros Ordines non posse habere aliquam Praelaturam in d. Religione nisi ex Apostolica dispensatione, sed tantum esse posse Discretos Conventuum, & Magistros Novitiorum, non vero Provinciae Assistentes. Et in eadem expositione subjuncto, quod nec praefatum Officium Discretorum Conventuum in praedicta Congregatione Fratrum reperiretur, ut constat ex praedictis Constitutionibus num. 13. ubi enumeratis Officiis minoribus quarumlibet domorum, nihil de hisce Discretis habetur, propterea quod Presbyteri esse valeant Magistri Novitiorum contrarium videretur Constitutionibus praefatis, utpote in quibus sub numero 12. referuntur omnia Officia ejusdem Religionis conferenda in Capitulo Generali, inter quae quidem recensetur illud Magistri Novitiorum, sed Cap. IV. dictarum Constitutionum declaratur Presbyteros in eodem Capitulo Generali solum frui posse voce activa,

Sed cum hoc esset contra Regulam.

quatenus ob antianitatem eis competat, minime vero voce passiva: ac propterea promoveri nequeunt ad Officia ipsius Religionis, & postquam aliqua Officia ibidem enumerata sunt, nempe Fratris Majoris, Consiliarii, Procuratoris Generalis, & Fratris localis subditur, quod neque promoveri possint ad Officia majora Religionis praefata, quod de dicto Officio Magistri Novitiorum utpote inter Officia ejusdem Religionis supra recensito utique verificari debet, accedente insuper, quod praedicto Cap. 4. praescribatur, ut Presbyteri administrarent Sacramenta Aegrotantibus, & ex causa hujus Spiritualis assistentiae Infirmis exhibenda perspectum fuerit, eos eximendos esse ab aliis Officiis, ne illa exercentes a praecipuo eorum circa Aegrotos munere deficiant, Officium autem Magistri Novitiorum eos assidue occupatos detineret in recta eorumdem Novitiorum institutione, unde propemodum impossibile esset, ut curam gerens dictorum Novitiorum debitam Aegrotis assistentiam praebere posset, sicque a spiritu dictarum Constitutionum alienum dignoscatur, ut Presbyteris praefatis Officium Magistri Novitiorum exercere liceat.

§. 3. Ac proinde praedictae Congregationi Cardinalium nomine Fratrum Diffinitorii Generalis huiusmodi supplicato, ut decernere vellet, quod Presbyteri Religionis praedictae nequeant esse neque Discreti Conventuum, neque Magistri Novitiorum, sed quoad ipsos circa facultatem obtinendi gradus fervetur id, quod in supradictis Constitutionibus a Sede Apostolica approbatis praescribitur. Emanavit ab eadem Congregatione Cardinalium Decretum tenoris, qui sequitur, videlicet = Sacra Congregatio Eminentissimorum, & Reverendissimorum Sanctae Romanae Ecclesiae Cardinalium negotiis, & consultationibus Episcoporum, & Regularium praeposita referente Eminentissimo Domino Cardinali Belluga Ponente, re mature pensata, previo recessu a decisis sub die 15. Martii 1731. iterum decrevit, quod promoti ad Sacros Ordines nequeant habere in Religione, neque ad breve tempus aliquam Praelaturam, nisi cum Apostolica dispensatione, nec esse possint Assistentes Provinciae, nec Magistri Novitiorum, sed dicti Sacerdotes primi advocentur pro consilio in omnibus Congregationibus, & coadunationibus faciendis in singulis Conventibus. Romae 23. Julii 1735. = Card. Franciscus Barberinus = C. Archiepiscopus Chalcedonenis Secretarius = Loco & Sigilli.

Decretum Congregationis Episcoporum & Regularium hac super re.

§. 4. Cum autem, sicut supradicti Fratres Diffinitorii Generalis Nobis subinde, exponi fecerunt, ipsi Decretum huiusmodi quo firmiter subsistat, & exactius fervetur, Apostolica confirmationis nostrae patrocinio communiri summopere desiderarent. Nos ipsos exponentes specialibus favoribus, & gratis prosequi volentes, illorumque singulares Personas a quibusvis excommunicationis, suspensionis & interdicti, aliisque Ecclesiasticis sententiis, cen-

Confirmatur.

1735.

cenſuris, & pœnis a Jure, vel ab homine quavis occasione, vel cauſa latis, ſi quibus quomodolibet innodatae exiſtunt, ad effectum præſentium dumtaxat conſequen-

Obſtantium derogatio.

§.5. Non obſtantibus Conſtitutionibus, & Ordinationibus Apoſtolicis, nec non, quatenus opus ſit, dictæ Congregationis Fratrum, aliſive quibuiſvis etiam juramento, confirmatione Apoſtolica, vel quavis firmitate alia roboratis, Statutis, & conſuetudinibus, privilegiis quoque, indul-

Dat. die 7. Octob. 1735. An.VI.

Datum Romæ apud S. Mariam Majorum ſub Annulo Piſcatoris die 7. Octobris 1735. Pontificatus noſtri anno VI. F. Card. Oliverius. P. L. Jacquet.

CLXVIII.

Confirmatio Decreti particularis Congregationis Cardinalium, quo reſolvuntur nonnulla dubia ſuper reformatione Conſtitutionum Ordinis B. Mariæ de Monte Carmelo, nec non ſuper quibuſdam aliis exortis quaſtionibus occasione earumdem Conſtitutionum.

CLEMENS PP. XII.

Ad futuram rei memoriam.

A Congregatione nonnullorum Cardinalium emanatum Decretum.

§.1. Nuper a particulari Congregatione nonnullorum ex Ven. Fratribus noſtris S. R. E. Cardinalibus emanavit ſuper reformatione Conſtitutionum Ordinis B. Mariæ de Monte Carmelo, nec non ſuper quibuſdam aliis exortis quaſtionibus occasione earumdem Conſtitutionum a nobis deputata, Decretum teoris, qui ſequitur, videlicet:

1735.

Quo ſtatutum

§.2. In Congregatione a SS. Domino Noſtro deputata Eminentiffimorum, & Reverendiſſimorum Dominorum Cardinalium Petra, Gotti, Guadagni, Spinelli, & del Giudice pro reformatione Conſtitutionum Ordinis S. Mariæ de Monte Carmelo, nec non ſuper quibuſdam aliis exortis quaſtionibus occasione earumdem Conſtitutionum habita die 24. Aprilis 1735, in qua interfuertunt iidem Eminentiffimi, & Reverendiſſimi Domini - Propoſitum fuit -

Primo an Prior Provincialis Provinciæ Romanæ poſſit exercere Jurisdictionem in Conventibus S. Martini ad Montes, Sanctæ Mariæ in Tranſpontina, & S. Antonii Civitatis Prænæſte.

Priorem Provinciale Provincie Romanæ non habere Jurisdictionem ſuper Conventibus hic expoſitis.

Et reſolutum fuit: ſupradictos Conventus eſſe quidem in Provincia Romana, non tamen de Provincia, ac proinde nullam in iſdem Conventibus poſſe Provinciale exercere Jurisdictionem: Hocque eſſe inferendum in nova compilatione Conſtitutionum.

§.3. Secundo an, & qui Magiſtri exiſtentes in dictis Conventibus, licet ſint alterius Provinciæ poſſint gaudere Jure ſuffragii in Capitulis Provincialibus ejuſdem Romanæ Provinciæ.

In Capitulis Provincialibus Provincie Romanæ poſſe Jure ſuffragii gaudere.

Et reſolutum fuit, firma remanente diſpoſitione Conſtitutionum quoad Magiſtros exteros, aliſque, qui in Provinciis a Romana diſtinctis degentes Jure ſuffragii gaudent in huiusmodi Capitulis Provincialibus: eſſe tamen eandem Conſtitutionem reformandas quo ad Provinciam Romanam: ſcilicet, quod in ejuſ Capitulis Provincialibus Jure ſuffragii ſui poſſint dumtaxat Prior Generalis una cum ejuſ Secretario, ſive ſocio ab eo nominando, & Procurator Generalis, Magiſtri Provinciæ Romanæ quamvis in ſupradictis tribus Conventibus commorentur nec non Priores eorumdem Conventuum, & Lector Sapientiæ, ac Regens Tranſpontinæ, ita tamen, ut hi quinque poſtremi vocales teneantur ſolvere taxam conſuetam pro Capitulo Provinciali, votum autem in Diſſinitorio Provinciali non habent niſi ſolum P. Generalis cum ſocio, & Procurator Generalis.

§.4. Tertio an Sociis Generalibus competit Jus ſuffragii in Capitulo generali tantum, ſeu potius etiam in Diſſinitorio generali.

Sociis Generalibus Jus ſuffragii competit in Capitulo, & Diſſinitorio generali.

Et reſolutum fuit competere tam in Capitulo, quam in Diſſinitorio generali.

§.5. Quarto an iſdem Sociis Generalibus competit etiam præminentia in Religione.

Et reſolutum fuit non competere, niſi quando ſunt in actuali exercitio muneris, ſive ſcilicet in actu viſitationis, ſive in Capitulo, & Diſſinitorio generali, ſive in quibuſcumque aliis peragendis occasione muneris ipſis demandati in Breve ſel. rec. Benediſti PP. XIII. Extra tamen hos caſus præminentiam in Religione ipſis competere juxta antianitatem profeſſionis, & gradus, atque ita, & non aliter ſtatui debere in nova compilatione Conſtitutionum.

1735.

1735. Contrarium derogatio.

num. Modernis autem Sociis, attenta poſſeſſione, eſſe ex gratia concedendam præminentiam in Religione uſque ad exitum Officii: Pro quorum omnium confirmatione eſſe ſupplicandum Sanctiſſimo. Et facta per Eminentiffimum, & Reverendiſſimum Dominum Cardinalem Spinelli de prædictis relatione SS. in Audientia habita die 25. Aprilis 1735. Sanctiſſimus omnia benigne approbavit; nec juxta eorum tenorem novas Conſtitutiones reformari mandavit: Audito etiam, quod Ex-Socii Generales licet Romæ degant, & ſint Conventuales, vel in Conventu S. Martini, vel S. Mariæ in Tranſpontina, adhuc tamen Jure ſuffragii non gaudeant in electione Vicarii Generalis mortuo, amoto, vel promoti Patre Generali: V. Cardinalis Petra: F. V. L. Cardinalis Gotti Ordinis Prædicatorum: F. J. A. Cardinalis Guadagni: J. Cardinalis Spinelli: N. Cardinalis Judice: Ita reperitur in regeſtro autographo Decretorum Sacræ Congregationis Epiſcoporum & Regularium, quod aſſervatur in Secretaria ejuſdem. In fidem &c. hac die 2. Junii milleſimo ſeptingenteſimo trigefimo quinto: Joſeph Maria Archiepiſcopus Damas Proſec.

Petita horum Decretorum Apoſtolicæ confirmatio.

Conceditur.

Eorumdem firmitas.

§.6. Cum autem ſicut dilectus filius modernus Procurator Generalis ejuſdem Ordinis Nobis ſubinde expoſui fecit, ipſe Decretum huiusmodi quo firmius ſubſiſtat, & ſervetur exactius, Apoſtolicæ confirmationis noſtræ patrocinio communiri plurimum deſideret.

§.7. Nos ſpecielem ipſi Procuratori Generali gratiam facere volentes, eumque a quibuſvis excommunicationis, ſuſpenſionis, & interditi, aliſque Eccleſiaſticis ſententiis, cenſuris, & pœnis a Jure, vel ab homine quavis occasione, vel cauſa latis, ſi quibus quomodolibet innodatus exiſtit ad effectum præſentium dumtaxat conſequendum harum ſerie abſolventes, & abſolutum fore cenſentes, ſupplicationibus ejuſ nomine Nobis ſuper hoc humiliter porreſtis inclinati, Decretum præinſertum, & omnia, & ſingula in eo contenta, & expreſſa auctoritate Apoſtolica tenore præſentium approbamus, & confirmamus, illiſque inviolabilis Apoſtolicæ firmitatis robor adiiſcimus, ac omnes, & ſingulos Juris, & facti defectus, ſi qui deſuper quomodolibet intervenerint ſupplemus.

§.8. Decernentes eandem præſentes literas ſemper firmas, validas, & efficaces exiſtere, & fore, ſuoſque plenarios, & integros effectus ſortiri, & obtinere, ac illis, ad quos ſpectat, & pro tempore quodcumque ſpectabit in omnibus, & per omnia pleniffime ſuffragari, & ab eis reſpectively inviolabiliter obſervari; Sicque in præmiſſis per quocumque Judices Ordinarios, & Delegatos, etiam cauſarum Palatii Apoſtolicæ Auditores, judicari, & diſſiniri debere, ac irritum, & inane ſi ſecus ſuper his a quoquam quavis auctoritate ſcienter, vel ignoranter contigerit attentari.

§.8. Non obſtantibus præmiſſis, ac

Conſtitutionibus, & Ordinationibus Apoſtolicis, ac quatenus opus ſit dicti Ordinis, etiam Juramento, Confirmatione, Apoſtolica, vel quavis firmitate alia roboratis ſtatutis, & conſuetudinibus, privilegiis quoque indultis, & literis Apoſtolicis in contrarium præmiſſorum quomodolibet conceſſis, confirmatis, & innovatis. Quibus omnibus & ſingulis illorum tenores præſentibus pro plene, & ſufficienter expreſſis, ac ad verbum inſertis habentes illis alias in ſuo robore permanſuris, ad præmiſſorum effectum, hac vice dumtaxat ſpecialiter, & expreſſe derogamus, ceteriſque contrariis quibuſcumque.

Transumptum fides.

§.10. Volumus autem, ut earumdem præſentium literarum tranſumptis, ſeu exemplis, & impreſſis manu alicujus Notarii publici ſubſcriptis, & ſigillo perſonæ in Eccleſiaſtica dignitate conſtitutæ munitis, eadem proſus fides ubicumque locorum tam in Judio, quam extra adhibeatur quæ præſentibus adhiberetur, ſi forent exhibitæ, vel oſtenſæ.

Datum Romæ apud S. Mariam Majorum ſub annulo Piſcatoris die nona Decembris 1735. Pont. noſtri Anno VI. F. Cardinalis Oliverius.

Dat. die 9. Decem. 1735. An.VI.

CLXIX.

Extenſio Indulti circa ſubſidia Dotalia puellis Conſervatorii delle Zoccollette nuncupat, diſtribui ſolit.

CLEMENS PP. XII.

Ad perpetuam rei memoriam.

§.1. CUM ſicut accepimus jam inde a tempore Pontificatus ſel. rec. Clementis PP. XI. Predeceſſoris Noſtri, puellis Conſervatorii SS. Clementis, & Creſcentini vulgariter delle Zoccollette in Regione Regulæ nuncupat, de Urbe, annua ſeptem ſubſidia dotalia una cum Veſtibulis dari ſolit assignata fuerint, quatuor ſcilicet ex Carcaraliſ etiam nuncupatis per Capitulum, & Canonicos Baſilicæ S. Petri, & reliqua tria ex aliis ſubſidiis dotalibus per Archiconfraternitatem Annuntiationis Beatæ Mariæ Virginis in Eccleſia ejuſdem Sanctæ Mariæ ſuper Minervam de Urbe præfata, erectam, quotannis diſtribui ſolit, dictæque puellæ ad ſubſidia huiusmodi a Noſtro, & pro tempore exiſtentis Romani Pontificis Elemoſynario ſecreto, qui ejuſdem Conſervatorii Superior, ſeu Prælatuſ exiſtit, itidem pro tempore una cum Deputatis nominatæ, proceſſionibus, aliſive publicis functionibus, occaſione diſtributionis ejuſmodi ſubſidorum fieri conſuetis, non ſine earum incommodo ante hac intereſſe debuert: ſeptem vero dumtaxat ſubſidia præfata haud ſatis eſſe dignoſcantur præ ingenti numero puellarum pro tempore pariter degentium in dicto Conſervatorio; quod cum inſtitutum fuerit pro puellis periclitantibus, quarum pudicitia nemo eſſet, qui curam haberet, ac perpauca admodum nubant, adituſ

Septem Dotalia ſubſidia his puellis dantur quotannis.

ſeu